

Weitere gelegenheit dieses Lands.

WZK haben vorn etwas von dem grossen Fluß Orenoque meldung gethan/ so sich mit 8. oder 10. Arm oder Flüssen/ ins Meer ergeußt/ dessen ein Arm oder Adern/ so gegē Morgē gelegen/ Fluius Capuri genennet wird/ ist sehr sandig vnd vntieff/ dann wan das Meer ablaufft / ist er nur fünff schuch tieff: da sich diser Fluß ins Meer gibt/ ist ein Baya oder krumme / des Gestadts/ so sich gegen Morgen oder Ost erstreckt/ darein derselbe Wind mit solchem Gewalt bläset / das es scheint vnmüglich zu sein mit den Schiffen wider auß diesem Fluß inns Meer zusegen.

Aravvaca ein ort nit weit vom Fluß Orenoque, gegen abend gelegen / dieses orts Inwohner sein ein wüß / vnd ein vmbschwweiffig Volck / aber der Hispanier gute Freund.

Die laos aber/ ein mechtig vnd im Krieg wolgeübt Volck/ so am Fluß Eisekebe, wohnen / seind der Hispanier grosse Feindt/ diese malen sich am leib/ damit man sie von ihren Nachbarn vnd Feinden/ den Aravvacis vnterscheiden / vnd erkennen möge.

B iij

Cashipa